



Broj: JN-01-16-4-15-8/18

Datum: 2. 7. 2018. godine

Ministrica za ljudska prava i izbjeglice Bosne i Hercegovine, na osnovu člana 55. Zakona o upravi („Službeni glasnik BiH“, br. 32/02 i 102/09) i člana 25, člana 64. stav (1) tačka (b), 68. stav 4. tačka i) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj: 39/14), na Preporuku Komisije za javnu nabavku, broj: JN-01-16-4-15-6/18 od 07.06.2018. godine, u postupku nabavke usluge - izrada softverskog rješenja za uspostavljanje baze podataka o ljudskim pravima iz nadležnosti Ministarstva za ljudska prava i izbjeglice BiH, donosi sljedeću:

ODLUKU
o izboru najpovoljnijeg ponuđača
za nabavku usluge - izrada softverskog rješenja za uspostavljanje baze podataka o ljudskim
pravima iz nadležnosti Ministarstva za ljudska prava i izbjeglice BiH

Član 1.

Prihvata se Preporuka Komisije za nabavku, broj: JN-01-16-4-15-6/18 od 07.06.2018. godine i Ugovor za nabavku usluge - izrada softverskog rješenja za uspostavljanje baze podataka o ljudskim pravima iz nadležnosti Ministarstva za ljudska prava i izbjeglice BiH, za potrebe Ministarstva za ljudska prava i izbjeglice BiH, dodjeljuje se ponuđaču QSS d.o.o. Sarajevo, sa adresom: ul. Dejzina Bukića bb, 71 000 Sarajevo, ponuda broj: 47/18 od 04.06.2018. godine, za ponuđenu cijenu sa popustom bez PDV-a: 23.850,00 KM, odnosno za ponuđenu cijenu sa popustom sa PDV-om: 27.904,50 KM.

Član 2.

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke: od a) do d) i iz člana 47. stav (1) tačke c) Zakona o javnim nabavkama i to u roku od 5 (pet) dana nakon što bude obaviješten od strane ugovornog organa o rezultatima postupka nabavke. Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor će biti dodijeljen drugorangiranom ponuđaču.

Član 3.

Ugovor o nabavci usluge - izrada softverskog rješenja za uspostavljanje baze podataka o ljudskim pravima iz nadležnosti Ministarstva za ljudska prava i izbjeglice BiH zaključit će se sa izabranim ponuđačem. Rok za izvršenje usluge je 60 (šezdeset) dana od datuma potpisivanja ugovora tj. od dana kada ugovor stupa na snagu.

Član 4.

Ova odluka će se objaviti na web stranici Ministarstva za ljudska prava i izbjeglice BiH (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opće, pravne poslove i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke usluge - izrada softverskog rješenja za uspostavljanje baze podataka o ljudskim pravima iz nadležnosti Ministarstva za ljudska prava i izbjeglice BiH, broj: JN-01-16-4-15-1/18 od 11.05.2018. godine. Javna nabavka je

provedena putem otvorenog postupka za dostavu ponuda za nabavku usluge-izrada softverskog rješenja za uspostavljanje baze podataka o ljudskim pravima.

Procijenjena vrijedost javne nabavke sa PDV-om: 32.777,92 KM.

Obavještenje o nabavci, broj: 679-1-2-13-3-14/18, objavljeno je dana 15.05.2018. godine na Portalu javnih nabavki. Tenderska dokumentacija, broj: JN-01-16-4-15-2/18 od 15.05.2018. godine. Komisija za nabavku imenovana je Odlukom, broj: 01-02-2-116-1/18, od 15.01.2018. godine.

Komisija za javnu nabavku dostavila je ugovornom organu (ministrici za ljudska prava i izbjeglice BiH) Zapisnik o pregledu i ocjeni ponuda broj: JN-1-16-4-15-5/18 od 07.06.2018. godine, Preporuku o izboru najpovoljnijeg ponuđača broj: JN-01-16-4-15-6/18 od 07.06.2018. godine i Izvještaj o radu broj: JN-01-16-4-15-7/17 od 07.06.2018. godine u postupku javne nabavke usluge-izrada softverskog rješenja za uspostavljanje baze podataka o ljudskim pravima iz nadležnosti Ministarstva za ljudska prava i izbjeglice BiH.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno pet (5) ponuda;
- da je blagovremeno primljeno pet (5) ponuda;
- da je nije bilo neblagovremeno primljenih ponuda;
- da se ponude ponuđača Lanaco d.o.o. Banja Luka i Page d.o.o Istočno Sarajevo isključuju iz postupka dalje evaluacije i kvalifikacije, zbog neispunjavanja uslova za kvalifikaciju i u skladu sa članom 68. stav 4. tačka i) Zakona o javnim nabavkama odbacuju kao nepotpune.
- da su ponude ponuđača: King ICT d.o.o. Sarajevo, Orbicode d.o.o. Sarajevo i QSS d.o.o. Sarajevo, kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način.

Uvidom u ponudu ponuđača LANACO d.o.o. Banja Luka, u dokumentu Aneks V – Izjava o ispunjenosti uslova iz člana 47. Zakona o javnim nabavkama, utvrđeno je da izjava nije potpisana i ovjerena od strane ponuđača, a kako je propisano u samoj izjavi, koja je sastavni dio TD i obavezna je u ponudi. S tim u vezi, ponuda ponuđača LANACO d.o.o. Banja Luka se isključuje zbog neispunjavanja uslova za kvalifikaciju i u skladu sa članom 68. stav 4. tačka i) Zakona o javnim nabavkama odbacuje se kao nepotpuna.

Uvidom u ponudu ponuđača PAGE d.o.o. Istočno Sarajevo, utvrđeno je da se potvrde o uredno izvršenim ugovorima ne odnose na predmet nabavke ugovornog organa, a kako je definirano u TD pod tačkom 3.5. pod a), u kojoj je navedeno sljedeće:

3.5. U svrhu dokazivanja tehničke i profesionalne sposobnosti, ponuđač treba da ispunjava sljedeće uslove:

a) Potvrde da ima uredno izvršena najmanje dva ugovora za ovaj predmet nabavke u posljednje tri godine (računajući period do datuma objavljivanja Obavještenja o nabavci).

Također, na portalu e-nabavke, je dodato pojašnjene na upit ponuđača, a u svezi potvrda o uredno izvršenim ugovorima, pa je tako odgovoreno sljedeće:

„Dužni se dostaviti potvrde o uredno izvršenim ugovorima koje se odnose na predmet javne nabavke, a u ovom slučaju za usluge izrade softverskog rješenja za uspostavljanje baze podataka“.

U skladu sa naprijed navedenim, ponuda ponuđača PAGE d.o.o. Istočno Sarajevo se isključuje zbog neispunjavanja uslova za kvalifikaciju i u skladu sa članom 68. stav 4. tačka i) Zakona o javnim nabavkama odbacuje kao nepotpuna.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenoj u Obavještenju o nabavci i Tenderskoj dokumentaciji.

	Naziv i sjedište ponuđača	Kriterij -najniža cijena sa popustom (bez PDV-a)
1.	QSS d.o.o. Sarajevo	23.850,00 KM

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku 10 (deset) dana od dana prijema ove Odluke.

Dostaviti:

- Ponuđačima,
- Sektor za opće, pravne i finansijsko-materijalne poslove,
- a/a



**MINISTRICA
Semiha Borovac**